



OPENBAAR LICHAAM  
**BONAIRE**

Na:  
Sr. R.C.M. Beukenboom  
Sr. P.J. Kroon  
Miembronan di Konseho Insular  
entidat públiko di Boneiru.

**PRESENTE**

Uw brief van: 10 mei 2016  
Ons nummer: 2016004703  
Datum: 07 juni 2016  
Betreft: Violashon art. 11 WolBES

Apresiabel srs. Beukenboom i Kroon,

Den karta fecha 10 di mei 2016 (archiefnr. 2016003691) ta pidi mi persona pa duna sr. Tjin Asjoe un advertensia pasobra su persona ta den violashon di artíkulo 11 di WolBES i artíkulo B 4 di lei Elektoral.

Artíkulo 11, insiso 2, WolBES, ta komprondé bou di un residente esun ku tin su residensia real den e entidat públiko. Insiso 1 di e artíkulo menshoná ta pone komo eksigensia pa miembresia di Konseho Insular, ku mester ta un residente den e entidat públiko, mester a yega 18 aña di bida i no mester ta ekskluí di derecho di voto.

Artíkulo B 4 di lei Elektoral ta komprondé bou di un residente e persona ku un adrès inskribí den e administrashon básiko di registro sivil, den e kaso aki di entidat públiko Boneiru, i konforme esaki, i si no por prueba lo kontrario ta wòrdu konsiderá komo residente, den e kaso aki di entidat públiko Boneiru.

Konforme artíkulo 16 di e lei administrashon básiko di informashonnan di persona BES un persona por hasi denunsia di salida pa por haña un asina yamá ‘verhuisbericht’. Ku e ‘verhuisbericht’ e persona por inskribí su mes entre otro den e registro sivil di Aruba. Na mi konosementu na sr. Tjin Asjoe no a keda otorgá un ‘verhuisbericht’. Pues te ainda e ta wòrdu konsiderá komo un residente di entidat públiko di Boneiru konforme artíkulo 11, WolBES, huntu ku artíkulo B 4 di lei Elektoral.

Ta trese dilanti ku sr. Tjin Asjoe ta biba na pais Aruba. Artíkulo B 4 di lei Elektoral ta preskribi ku un persona inskribí ku adrès na Boneiru ta wòrdu konsiderá komo residente. No a trese ningun akta òf prueba ofishal di gobièrnu di Aruba, un notario, òf un desishon di wes kaminda tin para ku sr. Tjin Asjoe ta un residente di Aruba. E ponensia ariba menshona no ta valido.


Un indikashon di ta permanesé tempu largu, esta 2/3 di 6 luna konsekutibo (artíkulo 13 di lei administrativo basiko) for di Boneiru ta asistensia na reunionnan públiko di konseho insular, kaminda un miembro no por keda remplasá si e ta forma un frakshon di mas ku un miembro. Konforme e reportahe

anual 2015 di griffie (archiefnr. 2016001754) di e total di 22 reunionnan públiko di konseho insular realisá entre 26 di mart 2015 te ku 14 di desèmber 2015, na un okashon sr. Tjin Asjoe tabata ousente.

Konforme artíkulo X 5 di lei Elektoral sr. Tjin Asjoe no a pone na mi konosementu ku ela haña su mes den un situashon konforme artíkulo X 1. Tampoko no a keda irevokablemente establese ku e no ta kumpli ku eksigensianan pa miembresia di Konseho Insular.

Teniendo na kuenta ku loke mi a trese dilanti, konforme artíkulo X 5, insiso 2, di e lei Elektoral, mi ta di opinion ku sr. Tjin Asjoe ta kumpli ku eksigensia pa miembresia di Konseho Insular i konsekuentemente mi no por dun'é un atvertensia.

Atentamente,



E. Betancourt-Anthony  
Presidente

cc: ER-leden